

Լ. Լ. ԱՃԱՌԻՑԱՆ

1953 թ. ապրիլի 16-ին, 77 տարեկան հասակում վախճանվեց բազմավաստակ գիտնական, սովետական լեզվաբանություն և կանաչավոր ներկայացուցիչ, Հայկական ՍՍՈՒ Գիտությունների ակադեմիայի իսկական անդամ, Երևանի՝ Վ. Մ. Մոլոտովի անվան Պետական համալսարանի պրոֆեսոր Հրաչյա Հակոբի Աճառյանը:

Պրոֆ. Լ. Աճառյանը 55 տարիների իր գիտական-ստեղծագործական բեղմնավոր կյանքի ընթացքում գրել է մոտ 200 գիտական մեծարժեք աշխատություններ՝ միաժամանակ անխոնջ կերպով, մինչև կյանքի վերջին օրը շարունակել է իր սիրած մանկավարժական աշխատանքը, դասախոսելով Պետական համալսարանում:

Պրոֆ. Լ. Աճառյանը ծնվել է Կ. Պոլսում, 1876 թ. մարտի 8-ին, արհեստավորի ընտանիքում: Նախնական և միջնակարգ կրթությունը ծննդավայրում ստանալուց հետո, նյութական ամենածանր պայմաններում նա շարունակում է ուսումը Փարիզում և ավարտում Սորբոնի համալսարանը: Գարձ ժամանակով Ստրասբուրգում լսելով հայտնի հայագետ Հյուբշմանի դասախոսությունները, գալիս է Էջմիածին, նշանակվում է Դևորգյան ճեմարանի ուսուցիչ: 1902 թ.



նույն պաշտոնով տեղափոխվում Եուզի, ապա՝ այլ քաղաքների Այսթափառական կյանքի ընթացքում է, որ նա մեծ եռանդով ուսումնասիրում է հայերենի մի շարք բարբառներ, որոնց մասին հետագայում գրում է առանձին աշխատություններ:

Դեռևս ուսանողական տարիներից Լ. Աճառյանը լույս է ընծայում իր առաջին գիտական աշխատությունները: Նա իր գիտական գործունեությունը սկսում է Ասլան-բեկի բարբառին նվիրված մի ուսումնասիրությամբ, որը լույս է տեսնում 1898 թ.:

Այնուհետև հաջորդաբար լույս են տեսնում նրա մի շարք աշխատությունները՝ գերազանցապես նվիրված հայերենի բարբառներին և այլ հարցերի:

1909 թվականին լույս է տեսնում Հ. Աճառյանի՝ նախասովետական տարիների լավագույն աշխատությունը՝ «Classification des dialectes arméniens» հմտալից հետազոտությունը, որտեղ առաջին անգամ տրվում էր հայերենի բարբառների գիտական համակարգությունը: 1911 թ. լույս է տեսնում այդ աշխատության ընդարձակ խմբագրությունը հայերեն լեզվով՝ «Հայ բարբառագիտություն» վերնագրով: 1913 թ. որպես էմիգրանտ ժողովածուի 9-րդ հատոր լույս է տեսնում Աճառյանի «Գավառական բառարան» բաղկացած 1200 էջից, որը ֆնում է հայերենի գավառական լավագույն բառարաններից մեկը:

Չնայած իր բազմակողմանի գիտելիքներին, մի շարք լեզուների իմացությունը, Հ. Աճառյանը նախասովետական տարիներին հնարավորություն չի ունենում ամբողջովին նվիրվելու իր սիրած զբաղմունքին՝ գիտությունը: Գավառական հայ ուսուցչի ծանր կյանքը նրան քարշ է տալիս մի քաղաքից մյուսը, մի գյուղից մի այլ գյուղ:

Հայաստանում սովետական կարգեր հաստատվելուց հետո պրոֆ. Աճառյանը զալիս է Երևան, նշանակվում Երևանի Պետական համալսարանի դասախոս և ամբողջովին նվիրվում մանկավարժական ու գիտական աշխատանքին: Սովետական պայմաններում ամբողջ 30 տարի նա ստեղծագործում է, սովետական լեզվաբանական գիտությունը հարստացնելով բազմաթիվ կապիտալ ու մեծարժեք աշխատություններով:

1925—1932 թթ. Երևանում լույս է տեսնում պրոֆ. Հ. Աճառյանի կարևորագույն աշխատություններից մեկը «Հայերենի արմատական բառարան», բաղկացած 6 մեծագիր հատորներից: Այդ աշխատությունը, որտեղ խտացած է հեղինակի երկար տարիների պրպտումների ու ջանասեր հետազոտությունների արդյունքը, նշանակալից երևույթ է հայագիտության մեջ և արժանացել է խոշոր մասնագետների հիացմունքին ու բարձր գնահատմանը:

1940 թվականին լույս տեսավ պրոֆ. Հ. Աճառյանի մյուս արժեքավոր հետազոտության՝ «Հայոց լեզվի պատմություն» Ա. հատորը: Այս կարևոր աշխատությունը, որի երկրորդ հատորը լույս տեսավ 1952 թվականին, հայոց լեզվի պատմության մասին առաջին ամբողջական ուսումնասիրությունն է, որտեղ հեղինակը հետևելով պատմահամեմատական մեթոդին, շարադրել է հայոց լեզվի կազմավորման ու զարգացման ամբողջ պատմությունը օգտագործելով փաստական հարուստ նյութ:

1942—1948 թթ. լույս են տեսնում Հ. Աճառյանի «Հայոց անձնանունների բառարան» հինգ հատորանոց աշխատության չորս սովոր հատորները: Մանրակրկիտ հետազոտության արդյունք հանդիսացող այդ ծավալուն աշխատությունը ստուգաբանում ու ներկայացնում է ամբողջ հայ հին մատենագրության պարունակած անձնանունները, դրանով էլ միաժամանակ տալով կենսագրական բառարանը հայ հին գրականության, պատմագրության, կուլտուրայի բոլոր ներկայացուցիչների, որը հարուստ նյութ կարող է մատակարարել հայ հին գրականության մեջ ու պատմության մեջ զբաղվողներին:

Այդ նույն ժամանակաշրջանում, շարունակելով հետազոտել հայերենի բարբառները, պրոֆ. Հ. Աճառյանը ստանձին զբաղվել հրատարակել է մի շարք բարբառների մասին իր հետազոտությունները, ինչպես՝ «Երևան»

նություն Նոր-Նախիջևանի բարրառի» (1925 թ.), «Քննություն Մարաղայի բարրառի» (1926 թ.), «Քննություն Ագուլիսի բարրառի» (1936 թ.), «Երևանություն Պոլսի բարրառի» (1940 թ.), «Քննություն Համշենի բարրառի» (1947 թ.), «Քննություն Առտիալի բարրառի» և այլն:

Պրոֆ. Հ. Աճառյանը իր կյանքի վերջին տարիներին երիտասարդական ավյուրով շարունակում էր աշխատել «Լիակատար քերականություն հայոց լեզվի» ծավալուն աշխատության վրա, որտեղ տրվում է հայոց լեզվի քերականությունը 562 լեզուների համեմատությամբ: 12 հատորանոց սույն կապիտալ աշխատության 1-ին հատորը 1952 թ. լույս ընծայեց Հայկական ՍՍՌ Գիտությունների ակադեմիան:

Իսկ վերահիշյալ աշխատություններից, անցած երեք տասնամյակների ընթացքում առանձին գրքերով և պարբերական մամուլում լույս են տեսել պրոֆ. Հ. Աճառյանի մի քանի տասնյակ այլ աշխատությունները, այդ թվում պարսկերենի, գրարարի ձեռնարկները և այլն:

Իր երկարամյա մանկավարժական բեղմնավոր գործունեության ընթացքում պրոֆ. Հ. Աճառյանը Պետական համալսարանում պատրաստել է բազմաթիվ լեզվաբան կադրեր:

Պրոֆ. Աճառյանը թողել է ավարտված կամ թերի մի շարք ձեռագիր անտիպ աշխատություններ:

Սովետական գիտական հասարակայնությունը բարձր է գնահատել պրոֆ. Հ. Աճառյանի մատուցած ծառայությունները սովետական լեզվաբանության զարգացման բնագավառում: Պրոֆ. Հ. Աճառյանին 1935 թ. շնորհվում է գիտության վաստակավոր գործչի կոչում, 1943 թվականից՝ Հայկական ՍՍՌ Գիտությունների ակադեմիայի հիմնադրման առաջին իսկ օրից նա ընտրվում է Ակադեմիայի իսկական անդամ և ակտիվ կերպով մասնակցում է նրա գիտական աշխատանքներին: